

Immundefekt syndromimik (AIDS) nappaateqalersimaneq HIV-llu uumasuaraanik tunillatsissimasinnaanermik misissuinerit nassaarnerillu pillugit Peqqinnissakkut Nakkutilliisoqarfimmut nalunaaruteqartarneq pillugu Namminersornerullutik Oqartussat nalunaarutaat

Nakorsatut sulinerup ingerlanneqarnera pillugu peqqussummi 18. december 1991-imeersumi § 11 aamma Peqqinnissaqarfiup siulersorneqarnera aaqjissuussaaneralu il.il. pillugit Inatsisartut peqqussutaanni nr. 7-imi, 30. ok-tober 1992-imeersumi § 1, imm. 2 malillugit aalajangersarneqarpoq:

Immundefekt syndromimik (AIDS-imik) nappaateqalersimaneq pillugu nalunaaruteqarneq.

§ 1. Nakorsaq immundefekt syndromimik (AIDS) nappaateqalersimasumik nakorsiarfigineqaruni, tamanna allaganngorlugu Peqqinnissakkut Nakkutilliisoqarfimmut nalunaarutigissavaa.

Imm. 2. Qularutissaanngitsumik nalunaaruteqartoqareersimappat nakorsap pisoq nalunaarutigeqqissanngilaa.

Imm. 3. Nalunaaruteqarnermi irnmersugassaq ELI-3-93, Tapiliussaq 1 atorineqassaaq.

Imm. 4. Immersugassami ataatsimi pisoq/nassaarfigineqartoq ataasiinnaq nalunaarutigineqartassaaq.

HIV-p uumasuaraanik tunillatsissimasunik kinaassusaanik isertuussilluni nalunaaruteqarneq.

§ 2. Nakorsaq inummik HIV-p uumasuaraanik tunillatsissimasinnaasunik misissuisoq, misissuineq tunillatsissimanermik inerineqarpat tamannalu misissueriaatsit nalinginnaasut atorlugit uppersarsineqarpat, tamanna kinaassusaa ersersinnagu Peqqinnissakkut Nakkutilliisoqarfimmut nalunaarutigissavaa.

Imm. 2. Nalunaaruteqarnermi immersugassaq immikkut ittoq Peqqinnissakkut Nakkutilliisoqarfiranit suliarineqarsimasoq atorineqassaaq.

Imm. 3. Immersugassami ataatsimi pisoq/nassaarfigineqartoq ataasiinnaq nalunaarutigineqartassaaq.

Tunillatsissimasunik nassaar nutaat.

§ 3. Nappaatit pisullu § 1-imi § 2-milu taaneqartut arlaannik nutaamik nassaartoqarneri tamaasa nakorsap Peqqinnissakkut Nakkutilliisoqarfik oqarasuaatikut ilisimatissavaa, taamaattorli § 2, irnm. 1 takuuk, Peqqinnissakkullu Nakkutilliisoqarfimmit siunnersoqqulluni.

Misissuisarfinnit nalunaarutit.

§ 4. HIV-p uumasuaraanik tunillatsissimasinnaanermut misissuinerit sinerissami napparsimmavinni ingerlanneqartut tamatigorluinnaq Dronning Ingridip Napparsimmavissuani misissuisarfimmut aammik misissugassamik nassitsinikkut uppersarsineqartassapput.

Imm. 2. HIV-p uumasuaraanik tunillatsittoqarsimanersoq misissoqquneraangat aak misissugassaq pillugu allagartaq immikkut ittoq atorineqartassaaq.

Imm. 3. Aak misissugassaq pillugu ailagartat immikkut ittut tamakku ilusilersorneqarnerat atorineqarnerallu pillugit maleruagassat erseqqinnerusut Peqqinnissakkut Nakkutilliisoqarfiup aalajangersassavai.

§ 5. Dronning Ingridip Napparsimmavissuani misissuisarfiup HIV-p uumasuaraanik tunillatsissimasinnaanermut misissuinerit inernerit kinaassutsimik isertuussilluni Peqqinnissakkut Nakkutilliisoqarfiimmut nalunaarutigisassavai, § 6 naapertorlugu.

Imm. 2. Peqqinnissakkut Nakkutilliisoqarfik imm. 1 naapertorlugu nalunaarusiortarnerit akulikissusissaat qanorlu nalunaaruteqartoqartarnissaa pillugit erseqqinnerusumik ilitersuusiusaaq.

§ 6. HIV-p uumasuaraanik tunillatsissimasinnaanermut misissuinerit aamma HIV-p uumasuaraanik tunillatsissimaneq uppersarsiniarlugu misissuinerit tamaasa Peqqinnissakkut Nakkutilliisoqarfiimmut nalunaaruteqarnerit sapinngisaq naapertorlugu makkuninnga ilaqartassapput:

- 1) Misissuinerup inernerit
- 2) ulloq misissugassamik aaviiffik
- 3) § 4, imm. 3 naapertorlugu napparsimasut sorliit pineqarnerisut
- 4) peqqinnissaqarfeqarfik misissugassiisoq
- 5) inummik taassuminnga siusinnerusukkut misissuisi-manerit qassiineri
- 6) tunillatsittoqarsimatillugu aammattaaq ilanngunneqassaaq ulloq suna kingullermik nappaateqartoqanngitsoq paasineqarsimanersoq pillugu paasissutissat.

§ 7. Paasissutissat § 6-imi taaneqartut saniatigut Dronning Ingridip Napparsimmavissuani misissuisarfiup inuup kinaassusersinissaanut paasissutissat toqqortarissavai kisitsitigut takussutissiornissaq siunertarlugu, paasissutissat aammik misissugassamik nassiusami takuneqarsinnaappata.

Imm. 2. Kinaluunniit taarna kissaatiilik kinaassutsini isertuullugu HIV-p uumasuaraanik tunillatsissimasinnaanermut misissortissinnaavoq.

§ 8. HIV-p uumasuaraanik tunillatsissimasinnaanermut misissuinermit tunillatsittoqarsimasoq paasineqarpat, Dronning Ingridip Napparsimmavissuani misissuisarfik pisussaavoq HIV-p akiorniarneqarnissaanut suminngaaniillu pilersimaneranut paasinaanermit allaganngorlugit atortussanik nakorsamut/peqqinnissaqarfeqarfiimmut saaffiginnissuteqartumut nassitsinissamut.

Imm. 2. Peqqinnissakkut Nakkutilliisoqarfiup paasissutissat, aammik misissuinermit HIV-p uumasuaraanik tunillatsittoqarsimanerata uppersarsineqarnera pillugu akissuteqaammut ilanngunneqartussat ilusilersussavai.

Atuutilersitsineq il.il.

§ 9. Nalunaarut atuutilissaaq ulloq 1. april 1996.

Imm. 2. Matumunnga peqatigitillugu HIV-mik misissuineq pillugu misissuisarfiit nalunaaruteqartarnerat pillugu nalunaarut nr. 484, 25. juni 1990-imeersoq, inuit HIV-p uumasuaraanik tunillatsissimasut pillugit nakorsat nalunaaruteqartarnerat pillugu nalunaarut nr. 485, 25. juni 1990-imeersoq, immundefekt syndromimik nappaateqalersimaneq pillugu nakorsat nalunaaruteqartarnerat pillugu nalunaarut nr. 498,

8. november 1985-imeersoq, immundefekt syndromimik nappaateqalersimaneq pillugu nakorsat nalunaaruteqartarnerat pillugu Nakorsaanerup kaajallaasitaa nr. 6, 21. november 1986-imeersoq, Kalaallit Nunaanni nappaatit tuniluuttartut, HIV-mut AIDS-imullu tunngatillugu, pillugit nakorsat nalunaaruteqartarnerat pillugu Nakorsaanerup kaajallaasitaa nr. 7, 16. august 1990-imeersoq atorunnaarsinneqarput.

§ 10. Kisitsisitigut paasissutissat katersorneqareersimasut qanoq atorneqarnissaannut Naalakkersuisut erseqqinnerusumik aalajangiisinnaapput.

Namminersornerullutik Oqartussat, ulloq 8. februar 1996

Marianne Jensen

/

Torben Cordtz

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut